



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

Determinatio Parisiis Facta Per Almam Facvltatem Theologicam. Anno Domini M. CCCXVIII. super quibusdam superstitionibus nouiter exortis.

**urn:nbn:de:hbz:466:1-38829**



sumit verum corpus Christi et si videatur. dist. 13. c. illud etiam sane.

Decimo, quod scientia discernendi ut notat habitum scientiæ sit clavis. dist. 19. cap. 1.

Vndecimo quod episcopi symoniaci degradati non possunt conferre ordines. dist. 25. cap. de symoniacis.

Duodecima, quod secundus maritus alienius mulieris incognitæ carnaliter à primo sit bigamus per cognitionem illius, & probatur ab ordinib. dist. 27. cap. vlt.

Decimotertio, quod cognoscens sororem vxoris

sz non tenetur vxori petenti debitum reddere dist. 24. ca. de h. s.

Decimoquarto, quod ille qui vxore viuente duxit aliam in aliena patria qui rediens ad conscientiam vult eam dimittere & non potest si cogitur ab Ecclesia remanere & debitum reddere quia sibi non creditur: dicit magister quod incipit excusari per obedientiam & timorem, & tenetur reddere debitum si peccatur dist. 38. cap. vlt.

Decimoquinto, quod peccata deleta non patefiant aliis in iudicio. dist. 44. cap. Hic queritur utram electis.

## DETERMINATIO PARISIENSIS FACTA PER ALMAM FACULTATEM THEOLOGICAM.

Anno Domini M. CCCXVIII. super quibusdam superstitionibus nouiter exortis.

### PRÆFATIO.



VNIVERSIS orthodoxæ fidei zelatoribus Cancellarius Ecclesiæ Parisiensis & facultas Theologia in alma vniuersitate Parisiens. matre nostra cum integro diuini cultus honore spem habere in Domino: ac in vanitates & insanias falsas non respicere. Ex antiquis latebris emergens nouiter erro-



errorum fœda colluio recogitare commonuit: quod plerumq; veritas catholica apud studiosos in sacris literis apertissima est: quæ cæteros latet, nimirum cum hoc proprium habeat omnis ars manifestam esse exercitatis in ea, sic vt ex eis consurgat illa maxima. Cuilibet in sua arte perito credendum est. Hinc est orationum illud quod Hieronymus ad Paulinum scribens assumit, Quod medicorum est, promittunt medici: tractant fabrilia fabri. Accedit ad hæc in sacris literis aliud speciale quod nec experientia & sensu constant vt alie artes, nec possunt ab oculis circunvolutis nube vitiorum facile deprehendi. Excecavit enim eos malitia eorum. Ait siquidẽ Apostolus quod propter auaritiam multi errauerunt à fide: propterea non irrationabiliter idolorum seruitus ab eodem nominatur: alii propter ingratitudinem qui cum cognouissent Deum: non sicut Deũ glorificauerunt in omnem idololatriæ impietatem (sicut idẽ commemorat) currerunt. Porro Salomonem ad idola, Didonem ad magicas artes pertraxit dira cupido. Alios postremo misera timiditas tota ex castrino pendens in obseruationes supersticiosissimas impiasq; depulit: quemadmodum apud Lucanum de filio Pompeii Magni, & apud historicos de plurimis notum est. Ita fit vt recedens peccator à Deo declinet in vanitates & insanias falsas, & ad eum qui pater est mendacii, tantem impudenter palamque apostatando se conuertat. Sic Saul à Domino derelictus Phytionissam cui prius aduersabatur consuluit, sic Ochozias Deo Israel spreto misit ad consulendum Deum Acharon. Sic denique eos omnes qui fide vel opere absque Deo veri sunt, vt à Deo falso ludificentur necesse est. Hanc igitur nefariam pestiferam mortiferamque insaniarum falsarum cum suis heresibus abominationem plus solito nostra etate cernentes inualuisse, ne forsan Christianissimum regnum quod olim monstro caruit, & Deo protegente carebit inficere valeat tam horrenda impietatis & perniciosissima contagionis monstrum: Cupientes totis conatibus obuiare memores insuper nostræ professionis: proque legis zelo succensi paucos ad hanc rem articulos damnationis cauterio (ne deinceps fallant incogniti) notare decreuimus: rememorantes inter cetera innumera dictum illud sapientissimi Doctoris Augustini de supersticiosis obseruationibus. Quod qui talibus credunt aut ad eorum domum euntes aut suis domibus introducunt aut interrogant, sciant se fidem Christianam & baptismum præuaricasse & paganum & apostatam, id est, retro



abeuntem & Dei inimicum & iram Dei grauius incurrisse, nisi Ecclesiastica poenitentia emendatus Deo reconcilietur. Hec ille, Neq; tamen intentio nostra est in aliquo derogare quibuscunq; licitis & veris traditi. nibus scientiis & artibus: sed in sanos errores atque sacrilegos insipientium & ferales ritus pro quanto fidem orthodoxam & religionem Christianam ledunt: contaminant, inficiunt, radicatus quantum fas nobis est extirpare satagimus: & honorem suum sincerum relinquere veritati.

Est autem primus articulus quod per artes magicas & maleficia & inuocationes nefarias quæere familiaritates & amicitias & auxilia dæmonum non fit idololatria. Error. Quoniam dæmon aduersarius pertinax & implacabilis Dei & hominis iudicatur: nec est honoris vel Domini cuiuscunq; diuini vere seu participatiue vel aptitudinaliter susceptiuus vt aliæ creaturæ rationales non damnatur: nec in signo ad placitum instituto, vt sunt imagines & templa Deus in ipsis adoratur.

Quartus, quod conari per artes magicas dæmones in lapidibus, annulis, speculis aut imaginibus nomine eorum consecratis vel potius execratis includere cogere & arctare veleas velle viuificare, non fit idololatria. Error.

Quintus, quod licitum est vt in magicis artibus vel aliis quibuscunq; superstitionibus, à Deo & Ecclesia prohibitis pro quocunq; bono fine. Error: quia secundum Apostolum non sunt facienda mala vt bona eueniant.

Tertius, quod inire pactum cum dæmonibus tacitum aut etiam permittendum

malo.



maleficia maleficiis repellere. Error.

Septimus, quod aliquis cum aliquo possit dispensare in quocunque casu, ut talibus licite utatur. Error.

Octauus, quod artes magicæ & similes superstitiones & earum obseruationes sint ab Ecclesia irrationaliter prohibitz. Error.

Nonus, quod Deus per artes magicas & maleficia inducatur compellere demones suis inuocationibus obedire, Error.

Decimus, quod thurificationes & suffumigationes quæ fiunt in talium artium & maleficiorum exercitio sint ad honorem Dei & ei placeant. Error & blasphemia, quoniam Deus alias non puniret vel prohiberet.

Vndecimus, quod talibus & taliter uti non est sacrificare seu immolare demonibus, & consequenti damnablem idololatram. Error.

Duodecimus, quod verba sancta & orationes quedam deuotæ & ieiunia & balneationes & continentia corporalis in pueris & aliis, & missarum celebratio, & alia opera de genere

bonorum quæ fiunt pro exercendo huiusmodi artes excusent, eas à malo non potius accusent. Error: nam per talia sacræ res imo ipse Deus in Eucharistia demonibus tentatur immolariet hæc procurat demon, vel quia vult in hoc honorari similis altissimo, vel ad fraudes suas occultandas, vel ut simplices illaqueet facilius & damnablem perdat.

Decimustertius, quod sancti Prophetæ & alii sancti per tales artes habuerunt suas prophetias & miracula fecerunt, demones expulerunt. Error & blasphemia.

Decimusquartus quod Deus per se immediate vel per bonos angelos talia maleficia sanctis hominibus reuelauerit. Error & blasphemia.

Decimusquintus, quod possibile est per tales artes cogere liberum hominis arbitrium ad voluntatem seu desiderium alterius. Error: & hoc conari facere est impium & nepharium.

Decimus sextus, quod ideo artes præfatæ bonæ sunt & à Deo & quod eas

Rrr 2

licet



licet obseruare: quia per eas quandoque vel saepe uenit sicut vtentes eis querunt vel prædicunt, quia bonum quandoque prouenit ex eis. Error.

Decimusseptimus, quod per tales artes dæmones veraciter coguntur & compelluntur, & non potius ita se cogi fingunt ad seducendos homines. Error.

Decimus octauus, quod per tales artes & ritus impios, per sortilegia, per carmina & inuocationes dæmonum, per quasdam insultationes & alia maleficia nullus vnquam effectus ministerio demonum subsequatur. Error. Nam talia quandoque permittit Deus contingere: patuit in magis Pharaonis & alibi pluries: vel quia vtentes, seu consulentes propter malam fidem & alia peccata nephanda dati sunt in reprobum sensum, & demerentur sic illudi.

Decimus nonus, quod boni angeli includantur in lapidibus & consecrentur in imagines vel vestimenta aut alia faciant quæ in istis artibus continentur. Error & blasphemia.

Vicesimus, quod sanguis vpupæ vel hedi vel alterius animalis, vel pergamenum virgineum vel corum leonis & similia habeant efficaciam ad cogendos vel repellendos dæmones ministerio huiusmodi artium. Error.

Vicesimus primus, quod imagines de ære, plumbo, vel auro, de cera alba vel rubea vel alia materia baptizate exorcizate & consecrate seu potius execrate secundum prædictas artes & sub certis diebus habent virtutes mirabiles, quæ in libris talium artium recitantur. Error in fide & philosophia naturali & astronomia vera.

Vicesimus secundus, quod uti talibus & fidem dare non sit idololatria & infidelitas. Error.

Vicesimus tertius, quod aliqui dæmones boni sunt, alii omnia scientes alii nec saluati nec damnati. Error.

Vicesimus quartus, quod suffumigationes, quæ fiunt in huiusmodi operationibus conuertuntur in spiritus, aut quod sint debite eis. Error.

Vicesimus quintus, quod vnus



vnus dæmon sit rex orientis & præferim suo merito, & alius occidentis, alius septentrionis, alius meridiei. Error.

Vicesimus sextus, quod intelligentia motrix cæli influit in animam rationalem sicut corpus cæli in fluit in corpus humanum. Error.

Vicesimus septimus, quod lectuales & volitiones nostræ interiores immediatæ causentur à cælo, & quod per aliquam traditionem magicam tales possint sciri, & quod per illam de eis certitudinaliter iudicare sit licitum. Error.

Vicesimus octauus articulus, quod per quascunque artes magicas possim⁹ deuenire ad visionem diuine essentia vel sanctorum spirituum. Error.

Acta sunt hæc & post naturam crebramque inter nos & deputatos nostros examinationem, conclusa in nostra congregatione generali Parisiis apud sanctum Maturinum de mane super hoc specialiter celebrata. An. Do. M. ccccxviij. die 19. mensis Septembris. In cuius rei testimonium sigillum dicitæ facultatis presentibus literis duximus apponendum.

*Originale huius determinationis est sigillatum magno sigillo facultatis Theologicae Parisiis.*

**SEQVUNTUR EXCERPTA PRINCIPALIVM ARTICVLORVM TRACTATVS CVIVSDAM contra Errores fratris Ioannis de Montefono ordinis Prædicatorum, Parisiis condemnati.**

**PRÆFATIO.**



POSTOLICIS verbis edocti parati semper ad satisfactionem omni poscenti nos rationem de ea que in nobis est fide ad tuitionem eius quam profitemur orthodoxia, & vt rationabilis quorundam errorum

Rrr 3 condemna